

DE EBRIETATE
DISSERTATIO INAUGURALIS MEDICA

QUAM

CONSENTIENTE AMPLISSIMO MEDICORUM

ORDINE

IN

UNIVERSITATE CAESAREA LITERARUM

DORPATENSI

PRO GRADU

DOCTORIS MEDICINAE

LEGITIME CAPESSENDO

LOCO CONSUETO PUBLICE DEFENDET


AUCTOR

JOANNES GEORGIUS A KOERBER

FINNUS.

.....
DORPATI LIVONORUM
EX OFFICINA ACADEMICA J. C. SCHÜNMANNI.

M D C C C X X .



P A T R I

Imprimatur.

ea conditione, ut, simulac typis excusa fuerit, antequam
distribuatur, septem exemplaria ei Collegio, cui censura
librorum mandata est, tradantur.

Dorpati. die xv. Februarii MDCCXX.

Dr. Joannes Fridericus Erdmann,
Censor.

OPTIMO CARISSIMO

JOANNI FRIDERICO A KOERBER
MED. ET CHIR. DOCTORI, A CONSILIIIS STATUS
ET ORDINIS ST. VLADIMIRI QUARTAE
CLASSIS EQUITI ETC. ETC. ETC.

NEC NON

D 16746

V I R O

CLARISSIMO EXPERIENTISSIMO

PROFESSORI CELEBERRIMO

E R N E S T O H O R N

MED. ET CHIR. DOCTORI, BORUSSORUM REGI A CONSILIIS
INTIMIS, ORDINIS CRUCIS FERREAR EQUITI ETC. ETC. ETC.

HOC PRIMUM LITERARUM SPECIMEN

PIA GRATIQUE MENTE

DAT DEDICAT ET OFFERT

A U C T O R.

De Ebrietate.

Diagnosis Ebrietatis.

Ebrietas quaenam sit, vix ullum esse arbitror quem experientia non edocuerit; qualis vero et unde nascatur, ex symptomatibus et indole ejus hic delineare, nobis propositum est.

Ebrietas illa corporis praecipueque animi alienatio vocatur, quae ex nimia utriusque irritatione, potionibus spirituosis assumptis, protinus consequi et horis aliquot absolutis, sola quiete ad pristinam integritatem redire consuevit. — Ebrietas ergo maximam partem alienatio

animi est, sed valde transitoria, ab aliisque animi morbis ex causis tantummodo proxime praecedentibus et cclatibus omnibus tum corporis tum animi symptomatibus eam comitantibus distinguenda. Num vero hoc in morbo, ut in quavis alia animi alienatione, ipse animus seu anima nostra seu principium illud divinum, corpori humano inditum, aegrotet, an potius in Ebrietate sola vis vel quasi effectus animi non ipse animus usque ad aegritudinem deturbetur, non mihi sed philosophis inquirendum esse judico. 1) Medicum haec opinionum varietas non sollicitare debet, siquidem curandi ratio, etsi mutato morbi nomine, eadem semper est et erit. — Alia nobis obrutur quaestio, Ebrietas ne potius corporis an animi morbus censendus sit, quoniam causae materiales sint, multaque ejus symptomata physicam organismi sphæram occupent, sed ex adumbratione morbi serius adjicienda patet, symptomata animi morbos in Ebrietatem maxime prævalere nec sine iis ullam omnino Ebrietatem dari, quamobrem animi potius quam corporis morbum denominari non alienum videtur. — Neque tamen ignoro, huic opinioni nostræ a quibusdam objici posse: Ebrietatem nullum utique morbum esse, quippe quae nullis remedii oppugnetur, optimaque semper

1) hac de re vide: Fr. Nasse Zeitschrift für psych. Aerzte, Heft I. S. 17 und folg. Heft II. S. 159 und folg.

ejus sit prognosis. Ex his autem morbi indolem colligi contrarium est, quum unaquaque abnormitas harmoniae vitae peculiaris organismi humani infesta pro morbo habenda sit. —

Patet denique ex nostra Ebrietatis definitione, eam non confundendam esse cum illo animi statu, qui in usu spirituorum transitum ex sobrietate in Ebrietatem facit non autem ipsa Ebrietas est, quia in illo potantis animi facultates nondum morbose-alienatae, sed plerumque modo ad vitam intensiorem irritatae sunt, necedum animi morbus, nec dementia, nec vitium judicii, nec ulla imaginationis illusio, nec voluntatis debilitas subsunt. Etiamsi illud incipientis Ebrietatis momentum cognitu difficile est, quia status ille morbosus sensim sensim enascitur et symptomatibus suis magis minusve antecedit, nunquam tamen illa symptomata desunt nec observantium oculos diu practereunt. Eadem est ratiō quae plurimorum morborum, quorum ex bona valetudine prima origo aequa nos latet; quare saepissime magnam probabilitatis speciem habere videtur, eos symptomata sua longe prævenisse, quae, quandocunque apparent, a causis occasionalibus pendent.

Jam vero, quo luculentius ista lectoribus pateant, Ebrietatis indolen ex signis ejus externis delineandam censemus.

Potior antequam inebratur bene valet et quasi voluptatem aliquam ex poculis capit, quod quidem facile ex verbis et fronte ejus colligere licet. Irritamento ad

augendas functiones tum corporis tum animi sufficiens, ergo vita intensiore gaudet. Sobrius si taciturnus et modestus fuit, nunc affabilis et serenus, si laetus et loquax, nimium jocosus fit, mens sagax, hilaris et ingeniosa. 1) Sensus facilius afficiuntur, imaginatio efflorescit, judicium exacuitur, memoria abundare videtur. Sic vita illuminatori et corporis et animi fruitur, nam, corporis quoque functionibus adactis, circulatio sanguinis acceleratur, se-*et* excretiones ubiores, coenesthesia amplior est. Hic quidem status securitatis est, cuius adipiscendi causa plurimi potui liberalius indulgere videntur, nec ullus incibriaretur, si omnes hoc modo contenti, graecum bibendi morem respuerent. Cupiditas autem et occasio majora pocula appetunt, potoremque ex intensiore eaque congrua vita 2) ad vitam nimia irritatione aegrotantem adducunt. Sic paulatim Ebrietas tardius oculis incipit pro natura potoris, quae ut initium Ebrietatis statim cognoscamus, bene investiganda est: quod quidem potori ipsi facilius quam aliis coguoscere lice-

1) Wering's psych. Heilkunde. Band I. Leipzig 1817. S. 130.

2) hic scilicet status vitae intensioris potoribus tantum cetera sanis congruus esse potest, si quis enim poterit jam antea aliquo morbo laboravit, functionibus ejus auctis, disharmonia earum morbosa simul augetur, aegrotus ergo aegrior fit, quod e. g. illis evenit, qui congestionibus laborarunt.

ret, si Socratis praecepio: γνῶθι σεαὐτὸν semper monrem gessisset; pauci vero illud philosophi effatum revera agnoscent, omnium minime vulgus, in quo hac de causa Ebrietas frequentior est.

Signa Ebrietatis communia sunt:

Vultus quidam haud naturalis et ingratus, oculorum adspectus languidus et debilis, eorumque humiditas vel ipsa lacrymarum suffusio. Et minores sunt oculi, palpebrae quia relaxantur alteraque alteri propius admoverunt ut in somnolentis. Ebrius oculos aperturus, vigil ut videatur, frustra conatur. siquidem vi caret, contra etiam inscius, supercilia levat, unde facies ejus deformitatem aliquam peculiarem accipit, quam nec in stupidis nec in superbientibus reperimus. Hi enim, quamvis etiam supercilia levent, oculos non claudunt sed quam maxime dilatant. Rubescunt etiam oculi Ebriorum a sanguinis ad caput congestione, vel immobiles rigent. Ebrii pathemate quodam animi affecti, oculi non languescent, misericordie contra et ferociter fulminant animique affectum indicant. Genae aut rubescunt aut pallescunt pro vario sanguinis affluxu ad peripheriam vel ad internas corporis partes. Os plerumque, Ebrius si tacet, subapertum ex relaxatione muscularum, labia propendunt vel arida, vel saliva superante imbuta, interdum os subclausum, spuma impletum, Ebrio per somnum stertente. Saepet etiam obliquitas aliqua oris reperitur ita ut angulus oris alter altiore situm teneat, aut motus aliqui con-

vulsivi illos detorqueant. Nasus non Ebrio sed violento tantum decoloratur, ruborem nempe contrahit cupreum, maculisque rubris et quasi condylomatibus vestitur, quae frontem quoque et genas adoriuntur, optimumque vino-lenti cognoscendi signum praebent. In quibusdam Ebriis, somno captis, levatores alarum nasi sub quavis inspiratione convolutionibus commoventur, pariter atque in illis qui Typho laborant. Carotides fortius pulsant. Pectus inspiratione profundiore et tardiore magis sublevatur, quia Diaphragmatis recessus nimia abdominis exoneratione impeditur; pulsatio denique cordis et arteriarum frequentior et fortior. Omnes contra motus musculares voluntarii diminuti sunt, nam voluntatis vis non sufficiens musculos movere nequit, quae si movet, brevi exhaustur. Quare sphincteres ani et urethrae quasi mechanice et sine voluntate patent, rectumque et vesica urinaria inceio Ebrio evacuantur; extremitates autem minus vel minime moventur, pedes manusque tremunt, capiendi facultas incerta, incessus temulentus, unde vacillatio, collapsus et nulla resurrectio. Caeterum sudor et ardor totius corporis, sitis, et refrigerii alicujus et contrastimulantum cupiditas, aut fastidium et nausea et cum levamine vomititio, capitis dolores, vertigo, somnus denique gravis aut soporosus aut deliriis conjunctus, aliquot horas tenens, quibus praterlapsis Ebrietas desinit, homoque ante ebrios pristinam recuperat valetudinem, vel effectis Ebrietatis, nausea et dyspepsia, et totius corporis relaxatione et mentis op-

pressione et capitis dolore aliisque noxis male habetur. ¹⁾

Plus quidem et gravius quam corpus *mens* Ebrium labare videtur, si quidem illius valetudo praeter nimiam ventriculi nervorum irritationem, actuositatem vasorum morbose adauicta p[ro]ae primis amplectitur, hujus functiones omnes sere Ebrietate alienantur aut ex toto opprimuntur, ut intellectus et judicium depercant, imaginatio depravetur, memoria extinguatur, libera voluntas affectuum et libidinis, totaque sere hominis mens corporis imperio subjiciatur, mania denique furibunda omnes leges civiles et morales cludere solet. Quamvis tamen in Ebrietate alienationes animi plures dentur quam corporis, illae omnes non semper adsint necesse est. — Duplex autem forma praecipua Ebrietatis, experientia teste, distinguenda est: altera scilicet Ebrietas *passiva* seu *tranquilla seu bona*, altera *activa et irrequieta et nocira*. In aliis nempe hominibus Ebrietas functiones animi ad morbosam quietem imminuere et debilitare, in aliis ad nimiam vigorem quin imo ad maniam excitare videtur. Quae autem differentia non ex gradu Ebrietatis sit, sed vere specifica est et indicis diversi generis cognoscitur.

1) In illis, qui Ebrietate *tranquilla* et quasi *passiva*

1) de ingratu Ebriorum vultu vide: J. C. Lavater physiognomische Fragmente. Erster Versuch. S. 95 u. 97. Leipzig 1775.

laborant, animi quaedam atonia obvia est, qua ebrius in animalium quasi ordinem detruditur, nam omnibus ejus functionibus corporis internis adactis, functiones animi ad minimam actuositatem redactae ex toto sere submotae sunt, utis, quasi sopore oppressus, intellectu, judicio, libra voluntate careat, solaque imaginatione sed perversa et vaga utatur; Mentis sua non est; oculi in eodem loco desixi, visus depravatus ¹⁾ vel diplopia (diplopia temulenta Sauvagesii); lingua rigida ut vix ullum verbum pronuntiare possit, unde, sublata voluntate, motus muscularis voluntarios succedere non posse facile quisquis intelligit. Toto cum corpore omnes nervi motorii nimium irritati sunt, ergo normali irritabilitate carent; qua de causa ebrii isti non recta pergunt sed vacillant, cadunt, collapsi eodem solo tenentur; corpus nimium pondus accipit ut febre nervosa morientium. Facillime somno capiuntur gravi et soporoso, e quo cum difficulter excitentur. omni destituuntur receptivitate, nec quidquam, ne ictus quidem aut concussions aut strepitum maximum persentisunt; mortuos aequant, nec prius in vitam redeunt quam crisis aliqua evenerit, qua commercium corporis cum animo in habitum normalem restitutum sit. Nullis hujusmodi inepti affectibus animi, nec ante somnum quidem, rapiuntur, eodemque loco remanent; ineunte autem Ebrietate facile

1) v. Hoffbauer Untersuchungen über die Krankheiten der Seele. 1ster Th. S. 305.

nimumque amore, misericordia ad tenerimam usque pietatem, querelos et lacrymas moventur; timidi evadunt, etiam si sobrii fortes fueré, nihil omnino in pectore recondere queunt, sed omnia patesciunt, proverbiumque: „in vino veritas“ confirmant. 1) Si saepius inebriantur facile stupiditatem experiuntur, nec eorum quae ebrii perpetrarunt sed quae omiserunt poenas dant. Diversas autem hanc Ebrietatem varietates exhibere atque modificationes, non usque summum sed minorem interdum ejus esse gradum, nec mentis functiones omnes inter eam semper deperire, per se elucescit. Jam ad secundam Ebrietatis speciem veniendum est, quam

2) irrequietam, nocivam seu activam nominavimus, cujusque symptomata alia et graviora sunt. Hac enim ineunte, ebrii intenta voce verba faciunt, affectibus agitantur, rixam petunt, compotatores ludibrio habent, iisque plagas infligunt, omnia subvertunt, disturbant, destruunt, omnis ignari moderationis atque recti probique, in mulieres alienas feruntur, 2) nec tamens semper huic cupidini satisfacere queunt, quia vi ad exercendum coitum destituuntur; 3) plura eaque perversa loquun-

1) „Arcanum demens detegit Ebrietas.“ v. Senec. ep. 83.

2) v. Prov. Salomonis XXIII, 29 — 34.

3) v. Bayle Diction. T. 2, p. 1166. — Montaigne Essais. Libr. 2 Cap. 2. — Ovid de remed. amor. „vina parant animum veneri, nisi plurima sumas.

tur, 1) aut silentio indulgent, mala vanaque meditantes. Quanto magis autem animi motus intenduntur, tanto magis intellectus et judicium franguntur, imaginatio quidem residens, libidinem et cupiditatem juvat. Affectibus auctis, nulla obstacula perhorrescant, quin crudelius quaedam perpetrant, ut incendia et homicidium interdum misceant, tum conscientia tum inscia mente. 2) Ista enim Ebriorum conscientia nec statim nec ex toto semper perit, quum ut plurimum factorum conciui sint, sequelas autem ignorant vel iis obliviscantur, Nonnunquam propensitas quaedam eorum enascitur occulta, nefaria, qua ad scelus committendum rapiuntur, committuntque, quamvis vetitum agnoscant atque detestentur; carent enim resistendi facultate integraque ratione, quippe quae conspiratione solum omnium animi functionum consistere potest. Unde autem proclivitas illa occulta enascatur, an magis corporis an magis animi sit, nos adhuc fugit. Alii in furorem conjiciunt tanta cum vi musculari, ut vinculis eos continere conveniat. Hi quod faciunt aequi ignorant atque qui Mania furibunda tentantur, somnum fugiunt, nulloque pacto obdormiscunt nisi furorem suum ad languorem usque ex-

1) Videbis ilaque eloquentiam Ebrii hominis involutam et errantem et licentiae plenam," v. Senecae Epist. 114.

2) v. Rust Magazin für die gesammte Heilkunde, Bd. III. Hest 1.

hauseriot, tumdemum somno morbus ille transitorius solvit, in quo quae commiserunt postridie, epileptici instar, plane nesciunt, aut si qua obscurior eorum memoria haeret, maxime improbant. Hac Ebrietate magis animi functiones quam corporis depravantur, corpus autem sicut animus in statu maxime hyperthenico versantur; ratio utique deest, animi pathemata, affectus et cupiditates obtinent, vis muscularis adaucta, excessus et flagitia ad explendas libidines committuntur. Quamobrem hujusmodi Ebrii poena digniores sunt, quam qui Ebrietate passiva et tranquilla laborant.

Utraque haec Ebrietatis species magnam cum interesse habeat differentiam, plurima cognoscendae Ebrietatis naturae subsidia afferit.

Ebrietas ergo alienatio quaedam corporis animique functionum transitoria, quae cum evidentem decursum habeat non solum symptoma morbosum, vel aegritudo aliqua, sed morbus ipse nobis esse videtur.

Hujus autem morbi signa et decursus saepe variis causis modificantur:

1) *Temperamento* inebrati. In corpore sanguineo alia erit Ebrietatis ratio, quam in phlegmatico, alia in cholericu quan in melancholico. Vice versa etiam Ebrietas ipsum temperamentum plerumque mutat. Sanguineus enim, si ebrius sit, facile cholericus esse videtur, cholericus si inebratur, temperamentum melancholicum sibi adsciscere potest, phlegmaticus inter Ebrietatem sanguineum adaequat. Porro sanguinei et melan-

cholici secundam Ebrietatis speciem, activam scilicet seu nocivam et irrequietam conciliare solent, cholericis autem et phlegmatici tranquilla s. passiva s. bona plerumque utuntur. In sanguineis nempe temperamenti vigor, effectu spirituosorum, usque ad Maniam augeri, in melancholicis melancholia ev toto in maniam converti potest. Cholerici et phlegmatici in Ebrietate tranquilli et passivi saepe reperiuntur, quia in illis debilitas nimiam irritationem protinus consequitur, in his autem prior natura phlegmatica spirituosis usque ad immodicam activitatem rarissime intenditur. Melancholicis facilius graviusque inebriantur, quam aliis, systemate nervoso in ipsis jam antea laeso, unde saepe, si irritantur Mania furibunda capiuntur, phlegmatici autem tardius vino opprimuntur quia normali nervorum irritabilitate carent, si autem inebriantur jocos risumque movent. Cholerici Ebrietate ineunte periculosissimi sunt, tum enim, si in iram acti sunt, furorem vehementer expromunt; sed furor hic brevis est et breri in exinanitionem et somnum abit. Sanguineorum Ebrietas maxime differt, quorum scilicet temperamentum inconstantius videtur, magnamque partem a rebus externis pendet, ita ut sanguinei malignam et benignam Ebrietatem experiri possint. Quamquam Ebrietas quatuor modo principibus temperamentis modificatur, multiplex tamen ea modificatio sit, necesse putamus, siquidem contra philosophum celeberr. Kantum merito contendere nobis videatur, temperamentum aliud in aliud se insinuare, vel aliud alio com-

plicari, indeque temperamenta quasi intermedia et innominata dari. 1)

2) *Pro modo culturae animi.* Qui animi facultates bene excoluerunt, praecipueque judicio et intellectu acutiore gaudent, Ebrietate minus cito opprimuntur, quam qui rudes atque inculti sunt, illorum enim mens Ebrietati aliquamdiu obnittitur neque omnem animi conscientiam explodi patitur, unde fit, tales ut inebriati magis corpore quam animo aegrotare videantur. Sunt autem qui ineunte Ebrietate amentes et stupidi fiant, quia jam sobrii ingenio animique vi intensiore caruerunt. Homines rudiores magis etiam ira ceterisque affectibus inter Ebrietatem rapiuntur quam qui a teneris illos compescere didicerunt. 2) Propterea experientiam testem habemus cujuscunque fere generis scelera in Ebrietate non a cultioribus sed a rudibus et incomitis committi. In plebe etiam frequentior Ebrietas quam in majori loco natis, hi enim ab excessibus magis temperant, et si forte inebriantur, pudoris causa, prohiberi consueverunt ne Ebrietatis signa in lucem edant. Probitatis autem et virtutis amantes simulac Ebrietatem experti sunt, naturam minime mutant, nunquam fere nefas quidquam

1) v. Kant's Anthropologie. Herbart's Lehrbuch zur Psychologie, 1816, p. 72.

2) v. Hoffbauer die Psychologie in ihren Hauptanwendungen auf die Rechtspflege. Halle 1808, S. 190.

committunt; contra qui sobrii maligni esse solebant, in Ebrietate quoque mala meditari et agitare pergunter.

3) *Corporis constitutione.* Quibus constitutio debilis est eorum corpus Ebrietati magis patet quam quibus est firma. Iam vero si nervorum debilitas praeter ceteris subest, Ebrietatis convulsiones etiam provocare potest, nausea vix sustinetur, motus voluntarii ex toto cessant, ebrius moriturus sibi videtur, gemit, suspirat, vertigine, congestionibus, capitisque doloribus quam maximis conflictatur, cogitandi facultate, sensuum functione caret, sola coenesthesia remanet. Quibus contra corpus firmius et robustius est, saepius secunda Ebrietatis species deprehenditur, muscularum motus integer, torpor nullus, nimiaque et perversa actusitas. Plethorici inter Ebrietatem magna ex sanguinis congestionibus gravamina contrahunt, ex quibus inflammationes organorum internorum quam facilime, gastritis vel enteritis vel ipsa phrenitis oriuntur, quae autem vera cerebri inflamatio, curationis caussa, bene distinguenda est a Mania furibunda Ebriorum, nam haec simul cum Ebrietate finitur, ex nimia animi irritacione proveniens, nullumque remedium expostulans; in phrenite autem cerebri morbus auxilium maxime promptum, methodum scilicet ex toto antiphlogisticam exigit.

4) *Aetate et Sexu.* Neminem ignorare arbitror, foeminas et pueros citius inebriari quam viros atque adultos, sensititate et irritabilitate in illis auctioribus. Alia autem Ebrietas infantum quam adultorum, nam

pluribus symptomatibus caret, quae in Ebriis adultis reperimus. Ita e. g. infantes si inebriantur amentes non sunt, quia mens eorum nondum reclusa est, loquelae non damnum faciunt, quia nunquam locuti sunt, nec temulentii ingrediuntur, nec yacillant etc. Magis ergo infantum Ebrietatem ex pulsu, congestionibus ad caput, aliisque corporis symptomatibus, praecepsque spirituosis assumptis dignoscere licet; quae autem diagnosis interdum difficultima est, causae si a parentibus aut nutribus coram medico dissimulantur. Foeminarum Ebrietatis magis quam virorum, animi pathematis, affectibus, libidini ac corporis debilitati maritatur, Foemines si inebriantur, atrocer et quasi praeter naturalem praebent adspectum, ex toto enim omnis pudicitiae immores, amentes interdum et maniacae sunt.

5) *Variis spirituosorum assumptorum generibus.* Duo praeter ceteris spirituosorum genera sunt: Vinum et Spiritus vini s. Alcohol, quibus porro Cerevisiam, potum usitatissimum inebriaodi quoque facultate praeditum addere licet. Harum potionum Spiritus vini imprimis aliisque citius Ebrietatem movet, quantoque maior ejus in quavis potionе quantitas, tanto prius et gravius consequitur Ebrietas, nam nervi cerebrumque magis Spiritu vini quam Vino et Cerevisia irritantur atque debilitantur; 1) unde in confessu esse videtur, cur para-

1) v. Gren Handbuch der Pharmakologie. 2^{te} Aufl., 2^{te} Bd. S. 191.

lysis nunquam fere ex abusu Vini et Cerevisiae; plerumque autem Spiritus vini enascatur. Vina quanto minus Alcoholimprägnata sunt, tanto mitiorem provocant Ebrietatem. Vina gallica alba magnam habent Alcohol quantitatem, ergo gravius inebriant. Horum autem vinorum Languedociae Spiritu ditissima sunt, quare p̄ae ceteris ad Spiritum vini parandum idonea. Vina Rhenana et quae Franconia profert, quia acidula sunt, neque tam citam nec malignam Ebrietatem sed plerumque hilariorem inducunt, quare eorum qui iuxta Rhenum Moenumque incolunt paucissimi reperiuntur, qui inter Ebrietatem rixam pugnamque petant, sed jocis risibusque proclives evadunt, vel solam judicii et memoriae facultatem amittunt et brevi crapula solvuntur. Longe alia estratio eorum qui Germaniam septentrionalem colunt, si quidem hi, quia plerumque Spiritu vini, ergo gravius inebriantur, nec ad ludos jocosiores nec ad saltationes feruntur; contra, Tacito jam monente, „crebrae rixae raro conviciis, saepius caede et vulneribus transiguntur.“ Hi diutius quoque Ebrii tenentur et majores corporis molestias patiuntur. Quod idem fere de iis dictum erit, Cerevisia qui inebriantur, nam Cerevisia graviorem Ebrietatem et diuturniorem et cum multis corporis molestiis conjunctam movere solet; 1) cuius argumenta in

1) Wering psychische Heilkunde, 1ster Bd. Leipzig. 1817. S. 227.

populis Bavanicis saepissime nobis obtruduntur. Ebrietas ex pluribus variisque spirituosis mota gravissima est, praecipueque nausea et vomitu capitisque doloribus intolerabilibus complicatur. 1) Sunt vina quae brevissimam excitant Ebrietatem, maximeque hilaritati nuptiam, largam quia continent acidi carbonici quantitatem, quorum primum locum vinum campanum tenet; Gallis vin de Champagne nominatum. Hoc qui nimii sunt, nullam fere corporis vel animi molestiar sentiunt, paucisque horis praeterlapsi, sine ullo quidem somno crapula expedituntur. Quod Graecorum et Romanorum vina attinet, Surrentium virum plus habuisse jam Plinius 2) docet; dulce autem vinum minus inebriare, celerius per urinam transire, tantaque magis capita tentare, vide *Hippocratis Lib. II. de Diaeta*. Löbensteinschöbel die Anwendung und Wirkung der Weine in lebensgefährlichen Krankheiten. Leipzig. 1816. Vina si spiritu vini adulterantur facilius graviusque inebriant, quod idem magis etiam sit, si vino paululum Salis mutriatici admiscetur; hujusmodi enim vinum inquinatum, etsi minore quantitate haustum, brevi tempore Maniam

1) v. Brühl - Cramer über die Trunksucht. Berl. 1819. S. 20.

2) C. Plinii secundi Natur. hist. Lib. XXIII et XIV.

furbundam movisse Chiarugi refert. 1) Cerevisiae ex herbis narcoticis coctae, magis inebriant, quam purae, somnum provocant, sensibilitatem diminuunt, quod omnium quidem narcoticorum proprium est. Multa autem sunt narcotica, quibus inebriandi causa prisci populi utebantur, quibusque adhuc utuntur populi nonnulli barbari, e. g. Orientales Opio. De quibus autem singulis hic si disputaremus, nimis longi essemus, quare allegamus:

L'éloge de l'ivresse, à la Haye, 1714. C. 18.

Niem die Getränke der Menschen, Dresden 1803.

Ebrietatis narcoticis mota ab illa quae spirituosis assumptis enascitur eo differre consuevit, quod graviore somnolentia complicatur et nervos modo quasi specifico habetare, systema sanguiferum autem minus irritare videtur.

6) *Rebus externis in Ebrietatis societatem venientibus.* Sunt quae Ebrietatem maturant, verbi causa: vocis inter potandum contentio, tum loquendo, tum cantando, affectuum vel pathematum irritatio, sumi haustus ex fistula, nostris temporibus maxime evulgatus, rel. 2) Sacetas inter potandum molestiorem Ebrietate.

1) Chiarugi Abhandlung über den Wahnsinn überhaupt und insbesondere. Leip. 1795. S. 353.

2) v. Hoffbauer die Psychologie in ihre-

tem ciet, quippe quae nauseam vomitumque miscet. Contra qui jejunus, gravius inebriatur; quare etiam excellentissimus medicus Michaelis Saranarola in libello suo: de Arte consciendi Aquam vitae simplicem et compositam etc. Haganoe, an. 1532., dissuadet, ne jejunus quis vinum bibat „quod magnum facit cerebro documentum et nervis, ad spasmum perducit et ad amentiam.“ 1)

7) Magis autem quam omnia sere haec momenta, ad Ebrietatem modificanti quae conserunt, ipsa potandi consuetudo illam vel maturat vel graviorem vel leviorem reddit. Qui enim spirituosorum insueti sunt, minore illorum quantitate inebriantur gravioresque inter Ebrietatem molestias patiuntur quam quibus potandi consuetudo est, quippe qui crapula ad vitam sustinendam carere non posse videntur, quorumque corporis et animi statum curiose descripsit van Swieten in Commentarii in Boerhavii Aphor., Aph. 629.

Nunc ad dignoscendam Ebrietatem a morbis quibusdam ei similibus animum attendamus, quibus cum saepius illa confundi vix non potest. Haec imprimis de animi morbis dicta erunt, nam a corporis aegritu-

Hauptanwendungen auf die Rechtspflege. Halle 1808.
S. 286. §. 194.

1) Cap. 12. p. XLIII. — Brühl-Cramer über die Trunksucht. Berl. 1819. S. 18. — Seneca Epist. 122.

dinibus facilius discernitur; quare earum nulla exposi-
tio hic loci necessaria videtur. Primum autem cum
Mania confundi potest Ebrietas. 1) Haud raro enim,
ut supra positum est, Inebriati Mania capiuntur, non
autem chronicā, sed acutissima et maxime transitoria,
nullia aliis causis orta, quam nimia spirituosorum as-
sumptione, unde fit ut simul cum Ebrietate dispareat.
Ipsa *Hippocrates* ait (de Diaeta l): „bibentes et insani-
entes eadem perpetrate, currere, luctari, pugnare, fu-
rari, defraudare.“ Haec autem Mania ex brevi suo de-
cursu et reliquis Ebrietatis signis eam comitantibus haud
difficile cognoscitur; parum tamen differt ab alia qua-
dan Mania transitoria, quae sine ulla spirituosorum as-
sumptione, causa quasi occulta enata, homines ceterum
sanos subito praecepsque noctis tempore opprimit et
post breve relinquit. Haec Maniae species non nisi de-
ficiente in illa Ebrietate ab Ebriorum statu maniaco dis-
tinguitur, praeterea autem eadem esse videtur, saepius
etiam, ut ipsa Ebriorum Mania, furibande sit, tum au-
tem ad varia facinora committenda hominis animum
rapit, quibus commissis et horis aliquot praeterlapsis,
homo ille, scelerum auctor, ad pristinam sanitatem re-
versus, conscientia et memoria nefas commissi vacat;

1) quare graecis dicitur: η μητη μιγα μανια εστιν.
— v. Thomas Arnold's Beobachtungen über
den Wahnsinn, a. d. Engl. v. Ackermann, 2ter Theil,
Leip. 1788. S. 171 — 172.

hujusmodi exempla vide in: Horn Archiv für medizinis-
che Erfahrung, 1817. Januar- u. Februar-Hefst,
S. 73 und S. 129. Plerumque autem a vera Mania
chronica eo distinguitur Ebrietas, quod in illa motus
et vigor muscularis illassi, in hac vero vires corporis
majorem vel longiorem intentionem sustinere nequeunt.
Hoc quidem exemplo quodam in Nosocomio Caritatis
Berolinensi observato probatur. Vir enim idemque co-
mes, Mania captus, cum custode suo ambulandi causa,
in urbem missus est. Custos diversorum ingressus,
spiritu vini ita se inebriavit ut nullo pacto ad nosocomi-
um redire posset, quo animadverso Maniacus cum dorso
suo imposuit et ad nosocomium deportavit.

Interdum quoque Inebriati *Amentes* esse videntur,
ab aliisque ludibrio habentur. Hanc vero illorum
Amentiam nec veram nec chronicam esse unusquisque
facile intelliget, sola enim ex Ebrietate inducta, cum ea
simil transit, nec insanabilis est. Idem fere de *Fatui-
tate* et *Melancholia* Ebriorum notandum est, quae prae-
cipue illos adoritur, Ebrietate passiva s. tranquilla qui
laborant.

Voluntas et Conscientia plerumque inter Ebrieta-
tem integræ non sunt, sed quamquam variis modis af-
fectae, ex toto tamen rarissime desunt. Quod ut bene
distinguamus, omnia in Ebrio symptomata magna cum
diligentia conferre, animæque humanae naturam exac-
te perquirere oportet.

Varietas symptomatum Ebrietatis fere infinita est,

quare minime perfectam Ebrietatis imaginem supra exhibuisse, ejusque divisionem in activam et passivam ex toto haudquaquam sufficere putamus. Nec tamen illa celeberrimi Hoffbaueri Ebrietatis divisio nobis satisfacit, qua tres periodos seu gradus Ebrietatis statuit, quorum in primo omnes cogitationes insolito cum vigore siant, iudicio et conscientia liberis, in secundo memoria et iudicium cum diminuta sensuum facultate pereant, in tertio denique plenarius conscientiae defectus, nulla sensuum facultas, status fere maniacus et furibundus sit. Haec Ebrietatis divisio non semper experientiae respondeat, sunt enim exempla, in quibus Maniam nullam, nullumque furorem, maximum contra torporem invenimus, attamen in illis Ebrietas supremum gradum jam attigit. Alii contra Inebriati memoriam et sensuum facultates nunquam ex toto amittunt, etsi Maniaci et furibundi sunt; — alii porro conscientiam per totam Ebrietatem servant, vigore modo et voluntate carent. — Nullam ergo hujus morbi divisionem in gradus aut periodos naturae semper convenire patet, ex eo quidem, quod magis animi quam corporis morbus summeque variabilis est Ebrietas.

Quo melior Ebrietatis imago tibi suppetat, lector benevole, consulas velim:

Dictionnaire des Sciences medicales,
Art. Ivresse. Paris 1818. (auctor. Friedländer.)

Platneri Diss. de Ebriositate. Lips. 1799.

Niemann Handb. der Staatsarzneiw. 2e. 2ter Th. Lpz. 1813. Art. Trunkenheit.

Nicolai von der Natur und dem physischen Ursprunge der Besessenheit. Jena (s. Walch's philosoph. Lexicon, Art. Trunkenheit.)

Hoffbauer die Psychologie in ihren Hauptanwendungen auf die Rechtspflege. Halle 1808.

L. A. Seneca Epist. 83, 14, 114, 122. Ejusd. de Ira lib. I, cap. 13.

T. Lucretii Cari de rerum natura, lib. III, v. 674 sqq.

Aetiologya Ebrietatis.

Causa proxima Ebrietatis eadem fere quae ipsa hujus morbi indoles, est enim nimia cerebri nervorumque irritatio.

Causa remota autem in spirituosorum vel narcoticorum usu immodico latet, quo nimia haec systematis nervosi irritatio enascitur. Ex ista autem nimia irritatione corporis et animi debilitas in Ebris obvia consequitur. Primum ergo spirituosorum et narcoticorum

usu irritabilitas organorum augetur non diminuitur, non nulli quod physiologi veteres item recentissimi e. g. *Gautier*, contendunt; tum autem, nimia irritatione, illa deprimitur, quod celeberr. *Brown*, 1) doctiss. *Weikard* 2) multique alii jam pridem docuerunt. Omnis autem spirituosorum effectus si vires modo deprimere ac mitigare videtur, inde evenit, primarium quia effectum, nitiam scilicet irritationem, non observamus, unde secundarius effectus pro primario facilime habetur. Saepius enim organorum teneritas aut magna abundancia irritamenti accuratiorem observationem impediunt, stadium irritationis quia ita contrahunt, ut ex toto desse videatur. 3) Unde patet, nonnullos potentes protinus ineunte Ebrietate debilitari posse. Quamquam autem effectum spirituosorum in organismum humanum sat novimus, explicandi tamen illius facilitate destitui-
mur. Latet enim in obscurio, spirituosa au magis via chemica an dynamica nos afficiant, et qualis sit status ille irritationis ad quem nervos intendunt. Primum enim nervi oris et oesophagi, tum autem ipsius ventriculi afficiuntur. Nervorum autem connexu, praecipue-

1) v. *Brown's System von Pfaff bearbeitet*, §. 126. 752.

2) v. *Weikard's Entwurf der einfachen Arzneikunst*. S. 196.

3) v. *Alex. v. Humboldt Versuche über die gereizte Muskel- und Nervensfaser* 1797. 2ter Th.

que nervo vago, ventriculi affectio ad Cerebrum propagatur et totum denique corpus per consensum affligitur. Celeberr. et doctiss. *Alex. ab Humboldt* quaestionem proponit: Alcohol anne peculiari mixtione, ex o.54. Oxygenii ceterisque Carbonii et Hydrogenii inebriandi habeat facultatem? anne calor ille internus, usu spirituosorum enatus, effectus sit acceleratae materiae organicae resolutionis? anne denique ex nimia processus vitalis acceleratione elementorum consumptio atque totius organismi torpor exoriatur? 1) Ad has autem quaestiones, quamvis a natura ipsa confirmari videntur, nihil certum respondere licet, nisi ante de nervorum agendi ratione generatim edocti erimus.

Ad causas occasioales ergo transeamus, de quibus, omissis hypothesibus, experientiam solam consulamus. Sunt autem caussae Ebrietatis occasioales eadem quae ipsius potationis, quia potando quaevis Ebrietas incipiat necesse est. Aut physicae sunt aut psychicae. Illarum prima *Sitis* est, cupido aliqua a physiologis male adhuc illustrata, ex ventriculi et deglutitionis organorum siccitate inprimis oriunda. Saepissime quidem causam occasionalem Ebrietatis illa praebet *Sitis*, quae cum lingua arida post animi affectus et pathemata in rudibus atque incultis consequitur, unde post rixam facile spirituosis se inebriare solent. 2) — Alia

1) v. *Humboldt l. c. S. 349 und 350.*

2) v. *Vering l. c. p. 70.*

cansa Ebrietatis in dolore aliquo corporis vel animi latet, cuius sopiendi aut infringendi causa, multi spirituosa hauriunt sed deinde modum in iis excedunt. 1) — *Diaeta vegetabilis* chemica quasi ratione proclivitatem ad spirituosa capienda movet. Experientiss. Dr. Rolfs, Bremensis, per duos fere menses sola poma cruda pro cibis capiens, insuperabilem spiritus vini cupiditatem se expertum esse asserit, antea quum nunquam fere spirituosa concupisset. Vegetabilia irritabilitatem ejus depresso-resserunt, pulsusque ad 45 ictus per sexagesimam horae partem redegerunt, functionibus animi contra profuere. In animalibus quoque, vegetabilibus quae sollemmodo vescuntur, spirituosa maxima sunt efficacitatis, plantisque ipsis ex toto contraria sunt. 2) — *Torpor* vel *lassitudo corporis* ad incitandum illud potibus spirituosis invitat, itaque Ebrietatis causam occasionalem facile praebet. Unde sit, populi phlegmatici frequentius ut inebriantur quam sanguinei et cholericci, Angli frequentius quam Franco-Galli. Qui autem Typho laborant haud raro vinum ex eadem ratione petunt, — *Frigus* porro causis occasionalibus Ebrietatis accensendum est, nam spirituosis devincitur, quorum ergo in septentrionalibus major consumitur quantitas quam in

1) v. Brühl-Cramer über die Trunksucht. Berl. 1819. §. 8.

2) v. Humboldt l. c. p. 347 et 351.

australibus, unde in Russia et Suecia frequentior Ebrietas quam in Italia reperitur. — Psychicarum causarum saepissime primum locum tenet: *Imaginationis vis*, quae cum Ebrietate augeatur, celeberrimi quoque poetae spirituosa amaverunt. Quod *Anacreonte* et *Ovidio* in primis probari videtur, quorum illum (*Pausania* teste, libro 1.) Athenienses semper ebrium et cantantem depinxerunt, hic autem in Libr. Tristium V. 5. illius diēi mentionem facit, quā Romae Bacchum celebrate soliti sint poëtae. Et nostris quoque temporibus magni quidam Germanorum poetae poculorum cupiditate capiuntur, raro tamen gravius, saepissime levius Ebrietati indulgent. Aliam potandi et inebrandi causam desperatio vel moeror vel *animi de eodem objecto longa nimiaque cogitatio* praebet, quae si animum torsit ad refectionem invitare solet. 1) Quare et sapientissimi viri interdum in poculis oblectamenta quaerunt, vel ut salutem corporis firmant, vel morbis expediantur, si quidem Ebrietas (Justus Lipsius ut expertus est 2) morbis quibusdam scilicet melancholicis et frigidis medetur. 3) Frequentissima denique causa occasionalis psy-

1) Hoffbauer Untersuchungen über die Krankh. der Seele ic. 1ster Theil. S. 24.

2) v. Commentar. in Senec.

3) v. Reil Rhapsoden über die Anwendung der psych. Curmethode auf Geisteszerrüttungen. Halle 1803. S. 104.

chica Ebrietatis est *neglectus culturae animi nimiaque eorum cupiditas quibus sensus oblectantur*, quorum illecebris homo irretitus, libidini magis quam intellectui et rationi morem gerens altioribus delectamentis neutrum quam proclivis est. Quibus omnibus Ebrietatis causis eam novissime adjicere licet, qua homines scelerum cupidi *de industria* se inebriant, facinorum facilius committendorum et excusandorum causa, quae quidem exempla, quamvis rarissima tamen eveniunt.

Prognosis Ebrietatis.

Prognosis hujus morbi optima esse consuevit, nam rarius quisquam ex Ebrietate moritur, et si quis moriatur, non causa proxima sed occasionalis mortis illius ex Ebrietate repetenda est. De Ebriis ergo ceterum sanis et robustis nil plerumque timendum, quia eorum morbus nulla curatione adhibita et sine noxa morbum subsecuta, ipsa natura solvitur. Dubia autem vel mala erit Prognosis si e constitutione Ebriorum aliisque causis concurrentibus minus aut majus vitae periculum Ebrietate parari recte colligimus. Inde Ebrietas aetate

provectionum praecipue qui habitu apoplectico praediti sunt, semper dubium admittit praesagium, quia adacto ad caput sanguinis affluxu, insultus apoplecticus juvatur. In teneris quoque infantibus Ebrietas, vel quaevis spirituosorum assumptio facilime inflammatio nem ventriculi brevique tempore ipsam mortem provocat. Doccissimus ille et experientissimus Berends, Professor Berolinensis, exemplum memoriae prodidit, quo infans tener tenuique valetudine, parentum incuria duas circiter drachmas Spiritus Melissae assumxit, unde sanguinem vomuit, nonnullisque horis praeterlapsis diem obiit supremum. Sectio autem post mortem ventriculum maxime inflammatum sanguinisque extravasatum in illo ostendit. Nec in illis Prognosis mala vel dubia, qui nervorum debilitate laborant, nam facilime illis inter et post Ebrietatem Epilepsia aliisque morbi spasmodici superveniunt. In nosocomio Caritatis Berolinensi epilepticus fuit, qui tum solum convulsionibus laboravit, quem spiritum vini assumserat, quem si repudiavit, bene habuit. Inebriati magno frigore objecti sopore capiuntur, et ex facili gelu consumuntur, quare ne in somnum incidant, quam maxime cavere oportet.

Qui autem saepius crapulam subeunt et ex potato rum numero habendi sunt, rarissime vitam et sanitatem in longum extendunt, sed multis iisque gravioribus morbis ex hoc spirituosorum abusu implicantur. Primum enim organa digestionis eorum debilitantur, tum ipsum cerebrum ceterumque sistema nervosum afficiuntur, un-

de membrorum tremor, contractiones, paralyses, hydro-
pes et Atrophia, ipsius animi affectiones, Melancholia,
Mania chronicā, Amentia, Fatuitas i) multique alii
morbū exoritur, quorum quia singulorum mentionem
hic loci facere nequimus, auctores sequentes in
consilium adhibeantur velimus:

Tissot Abhandlung über die Nerven und deren
Krankheiten, übers. v. Ackermann. Leipzig. 1781. 2ter
Bd. 1ster Th. Cap. 8. S. 40 u. folg.

Mich. Savanarolae libellus sing. de Arte consi-
ciendi aquam vitae simpl. et compositam etc. Haganoe
1532. Cap. 12. pag. 41 et seq.

Vering l. c. p. 66.

Paracelsi Opera. Libr. 9. Tractat. 1. Cap. 5.

Kaulen über den diätet. Gebrauch des Brant-
weins. (geg. Huseland) Cöln 1803.

Huseland Makrobiotik. 1798. 2ter Thl.

Huseland über Vergiftung durch Brantwein.
Berlin 1802.

Lechum Geschichte der Wirkungen des Brant-
weintrinkens 1790.

Kruft Diss. de abusu spirituosor. et morbis ab eo
provenientib. Erford 1798.

Vogel Diss. de nonnullis parentum deliciis in mor-

i) In Anglia frequentissimam morborum animi
causam Ebriositatem praebere Willan monet. v. Dict.
des Sciences medic. Art. Ivrognerie, p. 270.

bos infantum plerumque degenerantibus. Gött. 1767.
pag. 10.

Schurmann Diss. de effectib. liquor. Spirituos.
in corp. human. Harderov. 1791.

Rush Medical Inquiries. Vol. II. n. 2.

Faust im Reichsanzeiger 1801. n. 15, 16.

de Pré Diss. de usu et abuso spir. vini. Erf. 1720.

Garn medizin. Aufsätze, 2te Samml. n. 10.

Fothergill Essay on the abuse of spirituous li-
quors. Bath. 1796.

Belehrung des Churf. Sächsischen Sanitätscolle-
giū von dem großen Nachtheile, welcher aus dem Miß-
brauche des Brantweins für die Gesundheit und die
Seelenkräfte entsteht. Dresden 1796.

J. A. Carus nachgelassene Werke. 2ter Theil.
Leipzig 1808. S. 271.

Cox prakt. Bemerkungen über Geisteszerrüttung.
Mit Beilagen über die Ausstellung von Zeugnissen u.
Gutachten in Fällen von Wahnsinn. Aus dem Engl.
v. Neil. Halle 1811. S. 227 und folg.

Nichow von dem Laster der Trunkenheit.

Löffler die neuesten und nützlichsten prakt. Wahr-
heiten und Erfahrungen für Aerzte und Wundärzte.
2ter Band. S. 183 und folg.

Legner Beobachtungen über die giftartige Wür-
kung des Brantweins (in Kausch Memorabilien der
Heilkunde. 2tes Bändchen 1818.)

Pyl Aufsätze u. Beobachtungen aus der gerichtl.

Arzneiwissenschaft. 3te Sammlung. Berl. 1785. S. 213 u. 214. — 4te Sammlung. S. 188 und folg., und S. 190.

Encholm Handbuch d. Kriegs-Hygiene, a. d. Russ. übers. v. Kilian. Leipzig. 1818. S. 131.

Lair sur les combustions humaines à Paris, l'an VIII., übers. Hamburg 1801.

C. v. Brühl-Gramer über die Trunksucht und eine rationelle Heilmethode derselben. Berl. 1819.

Seneca Epist. 95.

Büttner aufr. Unterr. Cas. 54, 55 u. 76.

Pytl Magazin der gerichtl. Arzneikunde. Bd. V. Cas. 15, 16, 17.

Bonet sepulchr. Lib. I. Sect. XI. Additamenta; Libr. II. Sect. VII etc.

Lieutaud hist. anat. med. Tom I. Obs. 575, 624, 636, 655, 741 etc.

Haen Heilungsmethode. Band IV. Theil VIII. Cap. 1. S. 9. Pag. 202.

Stoll ratio medendi. P. III. pag. 377, 380, 385. Hufeland's Journal der prakt. Heilkunde. Bd. I. S. 325.

Sammlung ausgerlesener Abhandlungen für prakt. Aerzte. Bd. 25. St. 1: S. 11.

F. Hoffmann med. rat. syst: Tom IV. P. IV. Cap. XII. Obs. VI.

Transactions of the association of Fellows and Licentiates of the King's and Queen's College of

Physicians in Ireland. Vol. I. 1817. (Medit. Chirurg. Zeitung vom 2ten August 1819 Nr. 61.

John Armstrong Practic. Illustrations of Typhus fever and other febrile and inflammatory diseases, sec. edit. 1818. (Gött. gelehr. Anz., 114tes Stück, 1819. S. 1141.)

Noose medicinische Misceellen, herausgegeben von Formey. Frankf. a. M. 1804. S. 177 und folg.

Medela Ebrietatis.

De Medela Ebrietatis pauca tantummodo monenda erunt, plerumque enim nulla omnino requiritur curatio, quia ipsa natura morbum solvit. — Interdum tamen ad mitiganda ejus symptomata morbosa auxilio medicorum opus est. Tum si nulla evacuationis contraindicatio, materiam peccantem exhaustamus, effectum simul cum causa tollamus. Remotis autem sordibus si affectiones aliquae, torpor nempe, capitis dolor, nausea, aepepsia remanent, incitantia mitiora, aer frigidus, potionis acido carbonico nuptae, cibi salsi et paululum etiam spiritus vini vel aetheris acetici adhibeantur, ventriculi irri-

tabilitas diminuta ut sensim ad notam reducatur, viresque totius corporis excitentur, cui autem indicationi somnus quoque valdopere respondet.

Ad mitigandam et praecavendam Ebrietatem plures plura commendarunt, quae tamen hic pratearamus.

v. Hufeland Journal der prakt. Heilkunde. Bd. XI. S. 190. Berl. 1800.

Hoffbauer Untersuchungen über die Krankheiten der Seele n. 2ter Thl. S. 212 und 215.

Brühl-Cramer l. c.

Plutarchi lib. I. Symposiacorum, quaest. 6.

Theophrasti lib. II. Hist. Plantar.

Hippocratis lib. IV. de ratione victus.

Ger. Jo. Vossii de Theologia gentili, Francof. 1668, 4, lib. V. cap. 20. p. 94. — cap. 19. p. 93

Quae de Ebrietate in Medicina forensi consideranda veniant.

Ebrietatem morbum esse animi et corporis supra diximus; nec tamen ista ad medicum tantum sed etiam

ad Juris-Consultum se refert; saepius enim queritur: an quae commisit Ebrius imputatione digna sint, nec ne? Nos quidem vix dubitamus, exempla dari, quibus nulla Ebriis imputatio sit; quae quamvis rara sint, bene cognoscantur, necesse est. Alia nobis occurrunt exempla, quibus rei, quamquam Ebrietate oppressi, flagitia committerent, imputatione tamen ex toto digni videntur; alia denique, ubi poena illorum propter Ebrietatem mitiganda est. Varius autem Ebrios multandi modus diversum statum amplectitur, quo illorum mens in committendis facinoribus detinebatur; quem mentis statum ut Juris Consulti, medicorum auxilio, curiosissime disquirant tum ipsa natura tum jus criminale flagitant.

Primum quidem, reo aliquo dijudicando, haud raro quästio obtruditur: *an ille delictum commissurus inebriatus fuerit an minus?* Quod si fatetur, probatum opus est, — si negat aut ignorat, veritatem eruere oportet. Difficillima tamen plerumque disquisitio, quippe quae status präterlapsi sit, ex signis präsentibus vero nihil colligi queat. Verumtamen his regulis observatis adjuvari illa videtur:

- 1) de reo exploretur: *an de facto. num ante, signa externa Ebrietatis exhibuerit?* Quorum signorum praecipua erunt: Incessus temulentus et vacillans, collapsus, oculorum aspectus languidus vel rigor, vis muscularis diminuta vel per breve modo tempus adaucta tum autem ex toto sublata, lingue balbutiens, sénsum facultas alienata, visus nempe

et auditus obtusi, facies denique haud naturalis, ructus, spirituosorum odor etc.

- 2) an alia Ebrietatis signa loquendo et agendo präbuerit, e. g. an plura aliaque locutus sit quam sobrius solebat; an pauciora? an quae proferebat inter se responderint et sana fuerint? anne imaginationis vi ablatus sit? an visu depravato laborabit, ut res promiscue viderit, solem meridianum cum luna confuderit? 1) anne libidinosior lascivior et impudicior solito fuerit? post facinora commissa gravi somno captus sit, multumque sudaverit et difficilissimus e somno excitatu fuerit?
- 3) an si prius Ebrius fuit eadem Ebrietatis specie, nociva scilicet sev activa laborarit, an tranquilla et passiva? nam minime probabile videatur, illum qui semper antea inter Ebrietatem tranquillus et passivus fuit, nunc facinora commisisse.

Quae symptomata si ab iis affirmantur, qui reum quo die facinus commisit circumdederunt, magna cum probabilitate judicare licet, illum re vera inebriatum fuisse, quod certitudinis fere speciem attingit, si constat, hominem, ante quam delictum perpetrat, vel majorem vel minorem spirituosorum vim hausisse.

Secunda Juris Consultorum quæstio erit: *an Ebrie-*

1) v. Plateri Observ. libr. I. p. 40. — Krüger
Wahrnehmungen. S. 53

tas ipsa an alias status quidam animi morbosus causam suppeditarit, qua ad facinus edendum reus impelleretur? Saepius enim rei etiamsi Spirituosis oppressi, alio animi morbo simul laborarunt, Mania vera, furibunda et transitoria, aut Melancholia quadam occulta, quod imputationis causa bene scire diligentissime que discernere oportet.

Ebrietas si cum vera Mania complicatur, homo iis obnoxius, non solum Ebrietatis sed etiam Maniae signa offert. Quorum autem utriusque morbi symptomatum cum plurima sint similia, pauca tantummodo habemus, e quibus Ebrietatis cum Mania complicationem cognoscere possimus. — Haec reorum inter Ebrietatem Mania plerumque furibunda est, a simplici autem furore Ebriorum eo differt, quod prädisposita est et aliam quam Ebrietatem causam agnoscit. Ebrietas autem non nisi causa ejus occasionalis habenda est, ita ut Mania illa, quamquam occulta, jam antea tamen adasset, inter Ebrietatem modo erumperet. Haec etiam Mania, quia vera est, non in affectu quodam aducto latet, nec nimia quadam libidine, sed causa ex toto occulta enascitur et in ipsis animi indole morbosa sita est. 1) Furor autem Ebrios non unquam incendens, ex causa evidenti cooritur, affectu nempe aliquo, ira vel vindictae cupiditate, libidine, nimia insolentia vel aliis animi pa-

1) v. Vgl. Aufsätze und Beobachtungen aus der gerichtlichen Arzneiwiss. 4te Samml. S. 191.

thematisbus. 1) Isto furore qui laborant Inebriati ad cupidines explendas aut affectus mitigandos facinora committunt, quae illegitima esse ipsi bene vident, quorum autem sequelas in Ebrietate plerumque ignorant. Illorum status idem fere est qui hominis alicujus ad furem usque irritati, nisi quod spirituosis assumptis furor gravior reddi solet. In vera autem Mania furibunda Ebrios superveniente, nec causam ullam nec conscientiam facinoris habent furibundi, instinctu quasi coeco, brutorum instar, caedem patrant, et praeterlapso insultu maniaco scelera a se commissa ex toto ignorant. Ebrii autem si furem capti, scelera commiserunt, ad sobrietatem redacti, plerumque illorum conscientiam etsi minimam habent. Exploratur igitur, an Ebrius facinora commiserit furem simplici seu affectu quodam adacto, an verae Maniae furibundae et transitoriae insultu, haecce consideremus necesse est:

- 1) an nunquam prius Mania furibunda et transitoria reus laborari?
- 2) an nulla inter Ebrietatem causa fuerit evidens furoris facinorisque commissi? Si enim Ebrius rebus fortuitis imprimis aliis hominibus ad quemdam animi affectum, iram vel furem, itaque ad scelus perpetrandum irritabatur, non fuit Mania vera

1) v. Pinel Abhandl. über Geistesverirrungen, A. d. Franzöf. von Wagner, 1801. S. 166.

qua laboravit, quippe qua tum demum oppressus esse videtur, si nullo consilio, nullo animi pathemate, nec ira nec cupidine ad facinus edendum inductus est.

- 3) an post facinora commissa eorum recordatio vel nulla vel minima sit reo? nam si nulla est, magna cum probabilitate vera Mania furibunda conflictabatur.
- 4) an facinora commissa maiores et longiores requirant corporis vires, quam Ebrius quisque etsi furem captus, prästare possit? tum enim reus magis Maniacus furibundus quam inebriatus fuit.

Reliqua argumenta e quibus cognoscere licet, an facinus inter furem Ebriorum an inter verae Maniae furibundae insultum commissum sit, hic loci exponi plane nequeunt, nam in quovis exemplo singulari variant, medici autem rationalis et ingeniosi est, unumquodque exemplum ex singularibus ejus judicare criteriis. Summi autem momenti erit medici arbitrium, nam si reus inebriatus, solo furem facinus commisit, imputatione quamquam leviori dignus est, si autem inter veram Maniam furibundam perpetravit, imputatio in eum sicut in quemvis mente captum nulla ut cadat lex criminalis jubet. Exemplum status complicati militis cuiusdam simul inebriati et maniaci, de illoque Hornii, experientissimi maximoque ingenio conspicui Professoris Berolinensis arbitrium vide in ejusdem ephemeridibus inscriptis: Archiv für mediz. Erfahrung, 1817. Januar.

und Februar-heft. S. 129 und folg. — Aliud etiam exemplum viri falso Maniae incusati, vereque sola Ebrietate et violentis animi affectibus ad mulierem vexandam inducti, vide in: *Phil. Aussäze u. Beobachtungen aus der gerichtl. Arzneiwiss.* zte Sammlung, 1791.

Alias Maniae species, quibus nonnunquam complecatur Ebrietas, quia chronicae sunt facilesque cognitū hic prætereamus. Ante Ebrietatem jam affuerunt vel postea permanent, ut vix et ne vix quidem ignorari possint.

Quod ad Melancholiā, quacum, si occulta minusque exculta est, confundi et complecari potest Ebrietas, maximi quidem momenti erit inquire: Ebrius an Ebrietate an Melancholia captus facinora perpetraverit. Statutus autem alter morbosus ab altero eo discrepat:

- 1) quod, etiamsi Melancholia ante scelus commissum nunquam apparuerit, semper tamen homo proclivitate quadam ad Melancholiā imbutus fuit, animi scilicet propensitate aliqua peculiari ad unum idemque argumentum, idea quadam fixa ex actionibus verbisque ejus conspicua. 1)
- 2) quod Melancholicus non tanto cum affectu nec furore quanto Ebrius, nec post irritationem animi vel ira vel cupiditate vindictae vel aliis pathematis provocatam, sed magis de consilio, sceleris-

1) Hebenstreit Anthropologia forensis. Sect. II. Cap. 4. §. 22.

que conscientia, depravata modo rationis facultate, vel fanatismo incredibili scelera perpetravit. Quamquam enim Melancholicis sicut Ebriis facinoris committendi consilium non deest, quod in Maniacis contrarium videmus, Melancholici tamen ad exequendum illud consilium aliis utuntur auxiliis, longius scilicet tractis et cautoribus quam Ebrii, qui cum iudicio ex toto fere careant; modum agendi eligere nequeunt sed quasi ex improviso coepit peragunt.

- 3) quod Melancholici post scelus commissum hujusce poenitentia nulla aut alia moventur quam qui Inebriati fuere. Hos enim eorum quae commiserunt magis et sincerius poenitet quam Melancholicos, qui semper ideam illam fixam facinorisque consilium servantes, facilius quae perpetraverunt, excusant aequoque animo ferunt; aut si ex toto improbant, insolito eoque haud naturali modo faciunt; quod autem melius ipsa experientia quam verbis illustratur.

Reliquorum Ebrietatis et Melancholiæ criteriorum externorum, quibus altera ab altera distinguatur, quia nota sunt, nullam hic loci mentionem faciamus. Adesse sufficiat: si delicti, etsi inter Ebrietatem commissi, cum idea aliqua fixa reorum connexus quidam intelligitur, vix ullum dubium esse, quin sola Melancholia, non Ebrietate, illud perpetratum sit. Rarior tamen Ebrietatis cum Melancholiæ quam cum Maniae insultu in reis

complicatio vel confusio, status maniacus cum Ebrietati similior videatur quam melancholicus, ineunte scilicet Ebrietate, qua omnes et corporis et animi vires nimium irritantur et augmentur. Quando autem torpore opprimuntur Inebriati, Melancholicos magis adaequant, quo tamen statu ad perpetranda facinora minus vel minime idonei sunt.

Tertium animi morborum genus, Fatuitatem nempe, Philosophi agnoscent, quae etsi cum Ebrietate complicitetur, nullo modo cum illa confundi potest, quum neque transitoria sit, neque subito exoriatur. Attamen saepius nimia diurnaque potatione enascitur, quod si sit, major potatoribus sobriis quam Ebriis esse consuevit.

Quoties denique pensitatis omnibus Ebrietatis Morborumque animi criteris, non clara est certitudinis lux: reus ubi facinus commisit, an verus maniacus vel melancholicus an modo Ebrius fuerit, in custodiam detur, ne spirituosi quidquam capiat, et si capit, diligentissime observetur, facile an difficile, levius an gravius inebrietur, an quidem eodem furore inter Ebrietatem capiatur, quo facinus commisit, an nullo omnino etc. 1) Si autem vine ulla spirituorum assumptione Maniae aut Melancholiae in custodia insultu laborat, (quem non simulatum bene agnoscimus) magna probabilitatis spe-

cies esse videtur, tum etiam maniacum aut melancholicum fuisse reum, facinus quem commiserit. Reputetur autem: insultusne Maniae aut Melancholiae, quo in custodia conflictatur reus, causa aliqua occasionali et novissime superveniente, v. g. nimia facinoris poententia vel desperatione, an contra causa quasi coeca provocatus sit? Sed haec Juris Consultorum Medicorumque prudeetiae committimus.

Alia nobis obtrudetur quästio: *omnes Ebrii, facinus aliquid perpetrantes, nec alio animi morbo, Mania aut Melancholia aut Fatuitate laborantes, an in uno eodemque animi statu versentur?* quod omnino insciari oportet, quum animi facultates nec semper eadem nec eodem gradu Ebrietate alienentur. Sunt enim Inebriati, iisque plurimi, qui nunquam conscientiam subjectivam amittant, etiamsi objectiva careant. Illa autem si amittitur Ebrietas gravior et Ebrius magis mente captus est, quam si modo ea ignorat, sensus externi quibus afficiuntur. 1) Qui autem Ebrius conscientia sui ipsis ex toto destitutus, facinoraque commitit,

1) hujusmodi exempla vide: Neil Rhapsodieenre, Halle 1803, S. 72.

Mauchart, allg. Repertorium für die empir. Psychologie, Bd. I, S. 108 und 110.

Hoffbauer Untersuchungen über die Krankheiten der Seele, Halle 1803, 2ter Th. S. 46.

minus imputatione dignus mihi videtur, quam qui inter Ebrietatem conscientia subjectiva usus, solis animi affectibus sensuumque fallacia ad facinora perpetrandam inducitur. Illius enim libera voluntas fere nulla, hujus autem illaesae etsi animi affectibus abrepta. Primum autem in reo dijudicando, voluntas num ei fuerit nec ne exquiritur. Quod ex auxiliis cognoscitur, quibus reus inter Ebrietatem ad committenda facinora usus est, quae si consilii alicujus machinationi respondent prudenterque delecta sunt, non nisi duce voluntate reum peccasse facile quisque intelliget. Caruit autem libera voluntate si auxilia adhibita perpetrato facinori minime convenere et nullam fere delicti conscientiam nec consilium habuit; quae si ita sunt, vel coeco modo furore vel casu fortuito facinus commisit. Voluntas autem si inter Ebrietatem adfuit, distinguendum est, quanta adfuerit, an judicio illaeso, nec ne. Siquidem non eadem ratio videtur, an quis Ebrius non solum actionem illegitimam verum etiam sequelas ejus molitus sit, hae quia imputatione digniores esse possunt quam illa. Qui autem Ebrius judicio laeso laborat, actionis alicujus, etiamsi legitimam aut illegitimum agnoscet, sequelas tamen ignorare potest, quarum ergo imputatione dignus evadere nequit. Quanta autem judicii in voluntatem et conscientiam, tanta quoque intellectus, memoriae et imaginationis in judicium vis. Memoria imprimis et intellectus inter Ebrietatem intereunt, sensuum facultas depravatur, imaginationis vis luxuriat, judicium diminui-

tur. Quibus autem animi facultatibus affectis, conscientia, ratio et libera voluntas facile alienantur. Quae quidem ex hisce facultatibus quantumque in quovis Ebrietatis exemplo alienentur a medico forensi et Juris-Consulto exactissime exquiri oportet. Exempla pro varia Ebrietatis specie, pro causis internis et externis variant, non solum pro gradu Ebrietatis, celeberr. Hoffbauer ut contendit, gradus enim re vera nulli, interdum quia in eunte Ebrietate alii iisdem symptomatibus laborant, quibus alii florescente afficiuntur, quod si variis Ebrietatis gradus statueremus fieri non posset, nisi priores gradus posterioribus semper antecesserint.

Errant ergo qui putent, Ebrietatem semper eandem esse, vel modo gradu differre, facinoraque inter eam commissa semper tantundem imputabilia esse, vel qui sententiam rogent: Ebrietatem nunquam poenam delicti mitigaturam, quod Anglorum lex criminalis 1) et jus el. Bruns. Lun. jubent. 2) Contra nimium indulgere mili videntur, qui Ebrietatem semper poenam facinorum inter eam commissorum mitigare vel tollere judicent, nullo examini praemisso, quanam Ebrietate captus

1) v. Cox Pract. Bemerkungen über Geistesrettung, a. d. Engl. v. Bertelsmann. Halle 1811, §. 227.

2) v. Meisteri Principia Juris criminalis Germaniae communis. Edit 4. Götting. 1802, §. 117.

fuerit reus, quaenam ejus animi functiones, quantumque inter Ebrietatem alienatae fuerint. In examinando autem Ebriorum animi statu præcipue exploretur: status hominis Ebrietatem antecedens s. normalis, quanta vi rationis et judicii inter sobrietatem gavisus sit, „nam cuiusque morbi tanta est magnitudo, quantum a naturali statu recedit, quantum vero recedat, is solus novit, qui naturalem habitum ad amissum tenuerit.“ Qui enim sobrii jam debilitate quadam judicij vel rationis laborarunt, si inebriantur majori harum animi facultatum vi uti nequeunt, contra magis iis destituuntur, quaræ actionum sequelas minus quam alii praevidere possunt et leviori poena digni erunt, quam qui judicij sagacitatem et magna rationis vi praediti sunt. Quorum autem imaginatio inter sobrietatem quoque nimia fuit, intellectumque superavit, spirituosis assumitis, facilius ad facinora perpetranda inducuntur, quam qui prudentes et ex toto sanos se gesserunt, unde patet illorum culparum minorem seu leviores quam istorum habendam esse. 1) Idem dictum erit de memoria, aliisque animi facultatibus, quae si jam inter sobrietatem a naturali statu reces-

1) quod tamen lex Borussiae reprobat; v. Allgem. Landrecht für die preußischen Staaten. Titel III. §. 24. „Bei der Zurechnung der freien Handlungen nehmen die Gesetze auf die eigenthümliche Beschaffenheit der Geisteskräfte dieser oder jener bestimmten Personen keine Rücksicht.“

serunt, Ebrietate magis alienantur et ad delicta committenda Ebrium permovent. Sed culturae quoque gradus in reo dijudicando explorandus est, nam si rudis, majora inter Ebrietatem facinora et leviori tamen culpa committere potest, quam si cultus doctusque est.

De imputatione Ebriorum leges Rossicae quae jurent vide:

Уставъ Благочиній, статт. 256. (Polizei-Ordnung, §. 256.)

Уставъ Воинскій. арт. 11, 12, 41, 42, 43.

Уставъ Морской. кн. IV. гл. I. — кн. V. гл. 2, отд. 26, 30, 31.

Указъ 1784. Марта 10.

Alia porro de Ebrietate in Medicina forensi consideranda veniunt, quorum tamen hic loci mentionem factere nequimus. Nil ergo superest, nisi lectorum indulgentiae Dissertationem nostram commendare.